



Мемлекет басшысы Қасым-Жомарт Тоқаевтың референдум қорытындысы бойынша Қазақстан халқына жасаған үндеуі



Құрметті отандастар!

Кеше елімізде айрықша мәні бар тарихи оқиға болды. Мемлекетіміз дамудың жаңа кезеңіне қадам басты. Ата заңымызға ұсынылған өзгерістерді азаматтардың басым көпшілігі қолдады. Референдум жоғары деңгейде өтті. Мұны халықаралық және отандық байқаушылар да айтып жатыр. Конституциялық реформалар қоғамда қызу талқыланды. Дауыс беру барысы демократия талаптарына сай өтті. Ешқандай мәжбүрлік болған жоқ. Референдум нәтижесі саяси

жаңғырудың анық символына айналды. Азаматтарымыз зор жауапкершілік танытты және отансүйгіштік қасиетін паш етті. Біз Жаңа, Әділетті Қазақстанды құру жолындағы бірлігіміз бекем екенін көрсеттік. Конституциялық түзетулер мемлекеттігіміздің тұғырнамасын түбегейлі өзгертеді. Бүкіл қоғамның дамуына тың серпін береді. Референдумға белсене қатысып, қолдау білдірген барша халқымызға зор ризашылығымды білдіремін. Сондай-ақ, конституциялық өзгерістердің мән-маңызын түсіндіруге атсалысқан азаматтарға, түрлі

қоғамдық ұйымдарға алғыс айтамын.

Референдум еліміздің тарихындағы маңызды белес болды. Ұлтымыздың шынайы өзгерістерге деген дайындығы мен ұйымшылдығын көрсетті. Дауыс беруге азаматтарымыздың белсенді қатысуы қоғамымыздың кемелдігі мен жауапкершілігін білдіреді. Сайлау учаскесіне келіп, елімізді жаңғырту бастамасын қолдағандардың бәріне алғыс айтамын.

Сіздер нағыз патриотизмнің үлгісін көрсетіп, Қазақстанның

дәйекті дамуына зор үлес қостыңыздар. Еліміз үшін осы бетбұрысты сәтте заңды құқықтарын пайдаланып, өздерінің ұстанымдарын айтқан бүкіл азаматқа ризашылығымды білдіремін.

Ата заңға өзгерістер енгізу реформаларымыздың соңғы сатысын емес, енді басталғанын білдіреді. Біз елімізді жан-жақты жаңғыртуды жалғастырамыз. Жаңартылған Конституция негізінде биліктің барлық институты қызметінің мейлінше тиімді моделін қалыптастырамыз. Олардың арасындағы үйлесім мен тепе-теңдік механизмін нығайтамыз. Дәйекті саяси жаңғырту ұлттық экономиканы дамытуға, ұлттық кәсіпкерлікті нығайтуға ықпал етеді.

Енді біздің алдымызда ашық өрі әділетті экономика құрып, заңнамаға реформа жүргізу міндеті тұр. Қолдан жасалған монополияларды түбегейлі жойып, сыбайлас жемқорлыққа тосқауыл қою маңызды. Біз кәсіпкерлердің бастамаларына қолдау көрсетіп, жекеменшікті сақтап, бәсекелестікті күшейтуіміз керек.

Алдымызда экономиканы шынайы әртараптандыру бойынша ауқымды жұмыстар тұр. Жоғары өнімді ауыл шаруашылығы мен қуатты көлік-логистика жүйесін дамыту, барлық салада цифрлық экожүйе қалыптастыру үшін шаралар қабылдау қажет. Еліміздің орнықты дамуының негізгі қозғаушы күші еңбек, білім және азаматтық белсенділік болуға тиіс. Тек сонда ғана өзін-өзі қамтамасыз ететін орта тап пен

тиімді экономика қалыптастыра аламыз. Бұндай экономика кірісті әділетті бөлуге, сапалы жұмыс орнын ашуға, тұрмыс сапасын тұрақты арттыруға және барлық азаматтардың толыққанды жетілуіне мүмкіндік береді.

Мемлекеттік аппаратты жаңғыртып, бюрократиядан барынша арылту үшін жүйелі жұмыс жалғасады. Біз қоғамның барлық өкілдерінің талап-тілектеріне жауап беретін озық мемлекет құруымыз керек. Басқару жүйесінің тиімділігі жұмыстың барысымен емес, түпкі нәтижемен өлшенетін болады. Мемлекеттік аппарат бизнеспен, үкіметтік емес ұйымдармен және азаматтармен тығыз жұмыс істеуге баса назар аударуға тиіс. Сол арқылы ел мүддесіне сай тиімді шешімдер қабылданып, халыққа көрсетілетін қызмет сапасы жақсара түседі. Мемлекеттік қызметкерлер барынша ашық жұмыс жүргізіп, халыққа шынайы есеп беруі керек.

Мемлекеттік қызмет дегеніміз – жеке бастың бақ-дәулетін арттыратын жер емес. Бұл – туған халқыңның алдында айрықша жауапкершілік арқалау деген сөз.

Конституциялық реформа бүкіл құқық саласын жаңғыртуға жол ашады. Парламент пен Үкімет Конституцияға енгізілген өзгерістерге сай Заңнамаға тиісті өзгертулер енгізуі қажет. Қазақстанда тиімді құқық қорғау және сот жүйесін құруға мүмкіндік беретін реформалар әзірленуге тиіс. Мұны әлемдік тәжірибені ескере отырып жүзеге асырған жөн.

Жалғасы 3-бетте.



2022 жылғы 5 маусымдағы республикалық референдумда дауыс беру қорытындылары туралы

«Республикалық референдум туралы» Қазақстан Республикасы Конституциялық Заңының 31 және 33-баптарына сәйкес облыстардың, республикалық маңызы бар қалалардың және астананың аумақтық референдум комиссияларының дауыс беру нәтижелері туралы ұсынған хаттамаларының негізінде Қазақстан Республикасының Орталық референдум комиссиясы ҚАУЛЫ ЕТЕДІ:

1. Республикалық референдумның дауыс беру қорытындылары бекітілсін:
1) референдумға қатысу құқығы бар Қазақстан Республикасы азаматтарының

жалпы саны - 11 734 642;

2) дауыс беруге қатысқан азаматтардың саны - 7 985 769 немесе 68,05 процент;

3) референдумға қойылған мәселенің оң шешімін жақтап дауыс берген азаматтардың саны - 6 163 516 немесе дауыс беруге қатысқандардың 77,18 проценті;

4) референдумға қойылған мәселенің теріс шешімін жақтап дауыс берген азаматтардың саны - 1 490 470;

5) жарамсыз деп танылған бюллетеньдердің саны - 205 924;

6) 17 облыста, республикалық маңызы бар қалаларда және астанада дауыс беруге қатысқан азаматтар мәселенің оң шешімін жақтап дауыс берді.

2. «2022 жылғы 6 мамырда бұқаралық ақпарат құралдарында жарияланған «Қазақстан Республикасының Конституциясына өзгерістер мен толықтырулар енгізу туралы» Қазақстан Республикасы Заңының жобасында баяндалған Қазақстан Республикасының Конституциясына өзгерістер мен толықтыруларды қабылдайсыз ба?» мәселесі бойынша референдум өткізілді деп есептелсін, өйткені референдумға қатысу құқығы бар азаматтардың жартысынан көбі дауыс беруге қатысты.

3. 2022 жылғы 5 маусымда республикалық референдумға шығарылған «Қазақстан Республикасының Конституциясына өзгерістер мен толықтырулар енгізу туралы» Қазақстан Республикасының

Заңы қабылданды деп есептеледі, өйткені облыстардың, республикалық маңызы бар қалалардың және астананың кемінде үштен екісінде дауыс беруге қатысқан азаматтардың жартысынан астамы оның қабылдануын жақтап дауыс берді.

4. Орталық референдум комиссиясының референдум қорытындылары туралы ресми хабарының мәтіні қосымшаға сәйкес бекітілсін және хабар бұқаралық ақпарат құралдарында жариялансын.

Төраға Н. Әбдіров.
Хатшы М. Ерман.

Нұр-Сұлтан қаласы,
2022 жылғы 7 маусым,
№ 47/506

Мемлекеттік тапсырыс алатын балабақшаларға талап күшейеді

Мемлекеттік тапсырысты бұрынғыдай білім басқармалары бөлмейді, ата-аналар таңдауы бойынша беріледі. Білім және ғылым министрі Асхат Аймағамбетов әлеуметтік желісінде парақшасында жаңа нормалардың негізгілерін атап көрсетті.

«Бірінші, тәрбиешілер мен басқа да педагогтердің біліктілігіне және біліміне қатысты талаптар енгізілді. Екінші, жұмыс істейтін тәрбиешілер бойынша үлгілік штат нормативін сақтау талабы енгізілді. Мысалы, бір мұғалім күні бойы 50 баламен жұмыс істей алатын тәжірибеден бас тарту, саны 25 аспауы тиіс», - деп жазады министр. Сондай-ақ, бейнекамералар орнатылуы міндетті және балабақша ғимараттары мен үй-жайлары санитарлық нормаларға, өрт қауіпсіздігі талаптарына толық сәйкес болуы қажет. «Сонымен қатар, білім басқармаларына мемлекеттік тапсырыс орналастырылғанға дейін балабақшалардың жұмысымен және онда жасалған жағдайлармен танысу құқығы беріледі. Сыбайлас жемқорлыққа жол бермеу мақсатында мұндай мониторинг

балабақшалар қауымдастығы және қоғам өкілдерінің қатысуымен ғана жүргізіледі», - дейді Асхат Аймағамбетов.

Тағы бір жаңалық – білім басқармалары балабақшаларға мемлекеттік тапсырыстарды бөлу мүмкіндігінен айырылады. Енді жалпы талаптарға сай келетін балабақшалардың тізімі әзірленіп, ата-аналар одан мекемені өздері таңдай алады.

«Демек, мемлекеттік тапсырыс ата-аналар таңдаған балабақшаларға жіберіледі. Follow the quality. Болжам бойынша, бұл бәсекелестікті арттырып, балабақшалардың сапасын жақсартады және сыбайлас жемқорлық тәуекелдерін азайтады», - деп сенімділік білдіреді министр.

Сондай-ақ, ведомство басшысы жұмыс 4 негізгі бағыт бойынша

жүретінін жеткізді. «Лицензиялауды қайтару. Жұмыс жағдайы мен сапасын тексеріп, барлық балабақшаны аттестациядан өткізу. Мектепке дейінгі мекеме қызметкерлерінің кадрлық әлеуетін, колледждер мен ЖОО-ларда мамандарды даярлау сапасын арттыру. Мектепке дейінгі білім берудің жаңа моделі бойынша бағдарламалардың мазмұнын жаңарту», - деп түйіндейді Асхат Аймағамбетов.

«Соңғы жылдары балабақша тәрбиешісі мамандығына оқуға түсуге конкурс күрт төмендеп кетті. Бұл ең алдымен жалақыға байланысты. Тәрбиешілердің жалақысы жыл сайын 25%-ға өскенімен, базалық жалақының аздығынан ол әлі де болса жеткіліксіз болып отыр. Қазір біз бірнеше балабақшада пилоттық жоба бастадық. Бұл жоба бойынша екі тәрбиеші жарты күн емес, күні бойы жұмыс істеп, екі есе жалақы алады. Кейін пилоттық жоба нәтижесі бойынша шешім қабылданады.

Әрине, жекеменшік балабақша ашатын кәсіпкерлерді қолдау маңызды екенін түсінеміз. Бірақ біздің жұмысымыздағы басты бағыт – балалардың қауіпсіздігі және оларға қолайлы әрі сапалы жағдай жасау. Мұндай ережелер ата-аналар үшін маңызды және адал кәсіпкерлер үшін пайдалы деп есептеймін», - дейді Асхат Аймағамбетов.

Бұған дейін жекеменшік балабақшалардың 80% мемлекеттік аттестациядан өте алмағаны хабарланған болатын.

Патриотизм туралы жаңа сабақ өтеді

Жаңа оқу жылынан бастап Қазақстанда мектеп оқушылары «Патриотизм және жанандық құзыреттер» атты курстан өтпек. Бұл туралы Ы.Алтынсарин атындағы ұлттық білім академиясының президенті Мәдина Тыныбаева мәлім етті, деп хабарлайды ҚазАқпарат тілшісі.

«Патриотизм және жанандық құзыреттер» атты курс 5-11 сынып оқушыларына арналған. Оның мақсаты – баланың талдау қабілеті мен шеберлігін

дамыту. Бүгінде жаңа жоба өңірлік әдістемелік орталықтарға танысу мақсатында жіберілді. Сол сияқты жаңа курсқа қатысты түсіндіру жұмыстары жүріп жатыр», - деді Мәдина Тыныбаева ҚР Білім және ғылым министрлігінде өткен аппарат жиналысында.

Оқушыларға арналған жаңа сабақ 2022-2023 оқу жылында қолданысқа енгізілмек.

«Патриотизм және жанандық құзыреттер» курсы 5-9 сыныптарда келесі салаларды қамтиды. Парасаттылық және әдеп, экология мәдениеті, азаматтық және патриотизм, өмір қауіпсіздігі, медиа және қаржылық сауаттылық.

Ал 10-11 сыныптарда «Патриотизм және жанандық құзыреттер».

Жөңдеу жұмыстары жүріп жатыр

Соңғы жылдары ауданымызда білім саласында оң өзгерістер көп. Білім мекемелерін жөндеу мен оларды жабдықтауға қомақты қаражат бөлінуде. Өткен жылы бірнеше мектепке күрделі жөндеу жұмыстары жасалған болатын. Нәтижесінде балаларымыз жарық, жылы әрі заманауи жабдықталған мекемеге білім мен тәрбие алуға.

Биыл ауданымызда бес білім мекемесінде күрделі жөндеу жұмыстары жүргізу жоспарланған болатын. Тиісті конкурстық шаралар ұйымдастырылып, жауапты мердігер компаниялар анықталды. Ағымдағы жылы ауданда білім беру нысандарында жөндеу жұмыстары ерте басталды. Бұл өз кезегінде жөндеу жұмыстарын уақытылы аяқтауға мүмкіндік бермек.

Қазіргі таңда Алакөл, М.Дулатұлы атындағы ЖББОМ, Железин №1 ЖББОМ мен мектеп жанындағы интернат және Есқара ЖББОМ жөндеу жұмыстары жүріп жатыр.

М.Дулатұлы атындағы ЖББОМ күрделі жөндеуден өткізуге облыстық бюджеттен 100 миллионнан астам қаражат бөлінген. Нысанда жөндеу жұмыстарын «КазЕвроСтрой» ЖШС жүзеге асыруда.

Жөндеу жұмыстары барысында мектеп аумағын абаттандыру, спортзал мен фойе жабындысын ауыстыру сынды жұмыс түрлері жоспарланған.

Қазіргі уақытта жұмыс кестеге сай жүргізілуде. Келісімшарттық міндеттемелерге сәйкес жұмыс ағымдағы жылдың маусымында аяқталмақ.

Яғни, білім ордасы жаңа оқу жылында өз оқушылары мен ұстаздарын жаңа келбетте қарсы алатын болады.

1-сыныпқа баратын балалардың 70 %-дан астамы қазақ тілінде оқуды таңдаған

Екі айдың ішінде балаларды 1-сыныпқа қабылдауға 250 мыңнан астам өтініш түсті. Оның ішінде балалардың 70,5 %-ы мемлекеттік тілде оқуды таңдаған, деп хабарлайды Білім және ғылым министрлігі.



Бірінші сыныпқа өтініштерді қабылдау 2022 жылғы 1 сәуірде басталып, 1 тамызға дейін жалғасады. Азаматтарға ыңғайлы болу үшін қызмет автоматтандырылды. Құжаттарды қабылдау egov.kz порталы арқылы жүргізіліп жатыр.

Сондай-ақ ата-аналардың өтініші бойынша құжаттарды дәстүрлі қағаз форматында да тапсыруға болады. «Құжаттарды қабылдау штаттық режимде жүріп жатыр. Осы ретте құжаттарды тапсыруда ата-аналардың белсенділігін байқауға болады.

Биыл мемлекеттік тілде білім алғысы келетін 1-сынып балалары көбейді. Қазақ тілінде оқитын сыныптарға қабылдаудың ең жоғары көрсеткіші Маңғыстау (91%), Қызылорда (91,5%), Жамбыл (82,2%) және Атырау (80,1%) облыстарында тіркелді», - деді Мектепке дейінгі және орта білім комитетінің төрағасы Гүлмира Кәрімова.

Жаңа оқу жылында 1-сыныпқа барлығы 400 мыңнан астам қазақстандық бала барады деп күтіліп отыр.

Енді қазақ тілінде оқитын мектептерде 1-сынып оқушысы бір ғана тілді меңгереді – БҒМ



З е р т т е у л е р мен талдаулар жүргізгеннен кейін біз бірінші сынып оқушысына бірген 3 тілді меңгеру қиын екенін көргік. Бұл – тиімсіз. Біз бұл мәселеге қатысты

шешім қабылдадық, делінген БҒМ таратқан хабарламасында.

Енді қазақ тілінде оқитын мектептерде 1-сынып оқушысы бір ғана тілді, яғни қазақ тілін меңгереді. Біз баланың алдымен өз ана тілінде оқуды және жазуды үйренуі үшін тиісті жұмыс жүргізіп жатырмыз. Екінші сыныпта бағдарламаға орыс тілі, үшінші сыныпта ағылшын тілі қосылады. Орыс тілінде оқитын мектептерде 1-сыныпта орыс тілі мен мемлекеттік тіл, ал 3-сыныптан бастап ағылшын тілі болады. Әдістеме тұрғысынан алып қарағанда, бұл – дұрыс бағыт. Мұндай зерттеулер мен ұсыныстар бұрын да болған, сол себепті оны енгізуді жоспарлап отырмыз, - делінген хабарламада.

Жаңа оқу жылынан бастап оқушылар дүйсенбі сайын Әнұранды шырқайды



Білім және ғылым министрлігінің а п п а р а т ж и н а л ы с ы н д а ведомство басшысы Асхат Аймағамбетов осыған қатысты м е к т е п т е р г е

жіберілетін әдістемелік нұсқау хатта тапсырма берілгенін айтты.

Мектептегі жақсы дәстүрдің бірі – әр апта сайын линейка өткізіп, еліміздің Мемлекеттік Әнұранын айту. Бұл да бұрыннан қалыптасып келе жатқан игі дәстүр. Бірақ оны барлық мектепте бірдей іске асырылып жатыр деп те айтуға болмайды. Сондықтан бұл мәселені биылғы әдістемелік нұсқау хатта жеке белгілеп, осы тапсырманы беріп жатырмыз, - деп айтты Аймағамбетов.

Білім және ғылым министрі бұл мәселенің маңызды екенін айтты.

Кеше ғана Мемлекеттік рәміздеріміздің 30 жылдық мерейтойын атап өттік. Балаларымыздың Мемлекеттік рәміздерге құрметпен қарауға тәрбиелеу, жалпы оларды білу аса маңызды. Балаға Әнұранды айтуға балабақшадан, мектеп табалдырығын аттаған кезден бастап тәрбиелеу керек. Сондықтан әр апта сайын дүйсенбіде оқушылар сапқа тұрып, Әнұранды шырқау дәстүрі болғаны дұрыс. Бұл жұмысты да басқа да мектептерде жалғастыру қажет, - деп түсіндірді бас ұстаз жиналыста.



Мемлекет басшысы Қасым-Жомарт Тоқаевтың референдум қорытындысы бойынша Қазақстан халқына жасаған үндеуі

Соңы. Басы 1-бетте.

Біз қоғамның және бизнес өкілдерінің өз құқықтары мен заңды мүдделерін қорғауға сұранысы арта түскенін көріп отырмыз. Елімізге азаматтар мен кәсіпкерлерді барынша қорғайтын құқық жүйесі қажет. Заңнамада мемлекетіміздің тұрақты дамуын тежейтін ешбір кедергі қалмауға тиіс. Заман талабына сай келмейтін және күмен туғызатын нормалардың бәрі күшін жоюға тиіс.

Еліміздің экономикалық ресурстарын шағын ғана топтың қолына шоғырландырып, оларға артықшылық берген заңнаманы қайта қарау қажет.

Елден жылыстатылған қаржыны және заңсыз жекешелендірілген активтерді мемлекеттің иелігіне қайтару жөнінде Мекемеаралық комиссия құрылды. Бұл үшін мен арнайы Жарлыққа қол қойдым.

Біз адам құқығы мен бостандығын қорғау жүйесін кешенді түрде күшейтуге негізделген бағдарымызды жалғастыра береміз. Құқықтық реформа аясында Конституциялық сот қайта құрылады. Оның қаулыларына жедел әрекет ету тетігін енгізу қажет. Сонда азаматтарымыз осы аса маңызды институт қызметінің пайдасын сезіне алады. Жаңа, Әділетті

Қазақстанда полицейлердің озбырлығына, біліксіз прокурорлар мен біржақты судьяларға жол берілмейді. Қоғам құқық қорғау және сот жүйесінің шын мәнінде өзгергенін қалайды.

Мен елімізді дамытудың осы және басқа да мәселелері бойынша нақты шешімдерді қыркүйек айында өтетін Парламенттің кезекті сессиясының ашылуында айтамын.

Қастерлі Тәуелсіздігімізді, ел бірлігін және қоғамдық келісімді нығайту – біздің негізгі міндетіміз. Бұл реформалар құр атақ-абырой үшін қолға алынған жоқ. Мұның бәрін Жаңа, Әділетті Қазақстан құру үшін жасап жатырмыз. Халқымызда «Кеңесіп пішкен тон келте болмайды» деген сөз бар. Бабаларымыз маңызды мәселені алқалы жиында шешкен. Мен осы дәстүрді жаңғыртып, Ұлттық құрылтай құру туралы бастама көтердім. Оған қоғамның түрлі топ өкілдері, беделді әрі белсенді азаматтар шақырылады. Құрылтайдың алғашқы отырысы ұлт ұясы – Ұлытауда өткізіледі. Осылайша, азаматтардың мемлекет ісіне атсалысу мүмкіндігі арта түседі. Шын мәнінде, еліміздің тағдыры – әрқайсымыздың қолымызда.

Біз қоғамдық және жеке құндылықтар жүйесін түбірімен

жаңғырта білуіміз керек. Сонда ғана барлық салада түбегейлі өзгеріс жасай аламыз. Жаңа Қазақстанның ең басты байлығы – халық. Ал, ең негізгі мақсаты – азаматтардың бақытты өмір сүруін қамтамасыз ету.

Әрбір азаматымыз саяси өзгерістер мен экономикалық өсімнің жемісін көруі қажет. Құрғақ уәде мен бос сөз ешқайда апармайды. Мен үшін нақты іс пен шынайы өзгеріс бөрінен маңызды. Бұл мақсатқа қол жеткізу үшін бар күш-жігерімді саламын.

Референдум қорытындысы біздің мемлекеттігіміздің тарихында мүлде жаңа дәуір басталғанын көрсетеді. Халқымыз өз таңдауын білдіру арқылы түбегейлі бетбұрыс жасауға ұмтылысын көрсетті. Жасампаз ел болуға деген ықылас-ынтасын байқатты.

Елімізді дамыту үшін әлі де көп жұмыс атқаруымыз керек. Бүкіл ел болып жұмылсақ, көздеген мақсатымызға міндетті түрде жетеміз. Мен бұған көміл сенемін. Бүгін тәуелсіз Қазақстанның даму тарихында жаңа дәуірге жол ашылды. Осы жолда бірлігіміз әрдайым бекем болсын!

Жаңа Қазақстанды біріміз бірге өркендетейік, ағайын!

akorda.kz

Железиндіктер референдумға белсенді қатысты

5 маусым күні аудан тұрғындары республикалық референдумға белсенді қатысты.

Аудан бойынша референдум учаскелері сағат 07.00-де өз жұмыстарын бастап, сағат 20:00-де дауыс беру тоқтады.

Аудандық аумақтық референдум комиссиясының мәліметтері бойынша референдумға 10150 сайлаушы немесе сайлаушылардың жалпы санының 93,7% қатысты. Еліміздің негізгі заңына енгізілген өзгерістерді ауданымыздың 9 мыңнан астам тұрғыны қолдады. Референдумға келгендердің арасында жастардың үлесі басым екендігі байқалды. Сондай-ақ, отбасымен және балаларымен бірге дауыс бергендер болды.

Референдум барысын бақылау ісіне атсалысып, дауыс беру учаскелерінде бақылаушылар кезекшілік жасады. Референдум учаскелерінде қандайда бір заң бұзушылық анықталған жоқ.



Ұлттық нышандар - елдігіміздің мызғымас тұғыры

4 маусым – Қазақстанда Мемлекеттік рәміздер күні тойланады. Биыл мемлекеттігіміздің символдарының қабылданғанына 30 жыл толып отыр. Айтулы мерекеге орай, аудан орталығындағы Мемлекеттік рәміздер алаңында салтанатты шара өтті.

Мерекелік шараға мектеп оқушылары, спортшылар, педагогтар, ауыл тұрғындары мен мемлекеттік қызметшілер қатысты.

Айбарлы Әнұран оң қолымыздың алақанын жүрек тұсына қойып шырқағанда елдік жолындағы ерлікті, бабалар

аманаты мен Мәңгілік ел болуға белін бекем бұған буынның үнін сезіндіретін қастерлі жыр. Сол себепті салтанатты шара Мемлекеттік Әнұранның орындалуымен басталды.

Мерекеге орай аудан әкімі А.А.Шайхимов пен Міржақып

Дулатұлы атындағы орта мектебінің түлегі, ерекше үлгідегі аттестат иегері Д.Серікбай сөз сөйлеп, жерлестерін Мемлекеттік рәміздер күнімен құттықтады.

- Көк туымыз желбіреп, Тәуелсіздіктің салтанат құрғанына биыл 30 жыл толды. Мемлекеттік рәміздерді құрметтеу, қадірлеу біріміздің міндетті борышымыз. Тағдыр бізге тәуелсіздік бақытын сыйлап, оны көзіміздің қарашығындай сақтауды аманат етті. Көк туымыз биік желбіреп, Әнұранымыз асқақтай берсін!, - деді аудан басшысы А.Шайхимов.

Мерекеге орай Т.Карибаев, А.Айтуарова және

Б.Айтмұратовтың орындауында «Көк тудың желбірегені», «Алға Қазақстан» сынды патриоттық әндер орындалды. Мерекелік шара орталық естелік суретке түсумен аяқталды.

Көрген кезде жігерлендіріп, бойымызды ерекше сезімге бөлейтін рәміздерімізді қастерлеу біздің ортақ парызымыз. Лайым халқымыздың айбарын асқақтатып, бойына ұлтжандылық дарытатын нышандар төрімізден түспей, тұғыры биік болсын!

Өз тілшіміз.





ӘР БАЛА БАҚЫТТЫ БОЛУҒА ЛАЙЫҚ

Отбасы – адамның ең асылы, кез келген қоғамның басты құндылығы. Бірақ қатал өмір шындығында адам, әсіресе, балалар отбасынан айырылатын қайғылы жағдайлар болады.



Жетім және ата-анасының қамқорлығынсыз қалған балалар, олардың құқықтары мен мүдделерін қорғауға, тәрбиелеуге, олардың құқықтары мен мүдделерін қорғауға ерекше зәру. Сол себепті жетім немесе ата-аналары бағусыз қалдырған балалар отбасылық өмірді, мейірбан жанның алақанының жылуын сезініп өсулері үшін, мемлекет оларды қамқорлыққа алатын азаматтарға қолдау көрсетіп келеді.

Железин ауданында жүрегі мейірімге толы жандар аз емес. Олар жетім және ата-анасының қамқорлығынсыз қалған балаларды өз қамқоршылықтарына алып, оларға туған балаларындай мейірімін төгіп, отбасылық тәрбие мен білім беріп келеді. Біздің ауданда осындай барлығы 27 отбасы бар және оларда 40 бала

тәрбиеленуде.

Ағымдағы жылдың 8 маусым күні «Шабит» шығармашылық және жастар орталығының мәжіліс залында мейірімді жүректері бар отбасылар кездесуге жиналды.

Балалар жылы аясында ауданның білім беру бөлімінің ұйымдастырумен өткізілген «Аялы алақан» шарасына аудан әкімі А.А.Шайхимов, аудан әкімінің орынбасары Р.К.Усина, аудандық мәслихат депутаттары Т.С.Сәрсенов, П.Э.Лампартер, Т.М.Дәулетов қатысты.

– Өмірге келген әр бала өзін жанындай жақсы көретін, әрдайым қасында болатын қамқоршы жанға зәру. Сіздер өздеріңіз қамқорлыққа алған балаларға ата-ананың махаббаты мен мейірімін сыйлап, оларды тәрбиелеп өсіріп, болашақта өмірден өз орындарын табуға көмек көрсетуді мақсат

етіп отырсыздар. Бұл – үлкен адамгершілік іс. Біз сіздерді мақтан тұтамыз, өздеріңіз қамқорлыққа алған перзенттеріңіз сіздерді үлгі тұтып өссе деп тілейміз. Еңбектеріңіздің жемісін көріп, әрдайым алғысқа бөлене беріңіздер, – деді аудан әкімі Айтуған Шайхимов.

Ұйымдастырушылар балалар мен олардың қамқоршылары үшін дастархан жайып, мерекелік көңіл күй сыйлады.

Сондай-ақ, шара барысында әр қатысушы өз отбасы жайында айтып, өздерін таныстырды. Железин №2 ЖББОМ психологы Т.Торолчанина достық пен келісім атмосферасын нығайту және таныстыру бойынша тренингтер өткізді.

Қонақтар назарына балалар өнер мектебі, Қ.Өлсейітов

атындағы аудандық Мәдениет үйі және білім бөлімінің әзірлеген концерттік бағдарламасы ұсынылды.

Іс шара соңында аудан басшысы А.А.Шайхимов қатысушыларға Алғыс хат пен ақшалай сыйлықтардың сертификаттарын табыстады. Екі сағатқа жуық уақытты қамтыған

керемет шара ортақ естелік суретке түсумен аяқталды.

Шара қонақтары осындай шара ұйымдастырып, мейірім мен қамқорлық танытып, мерекелік көңіл-күй сыйлаған ұйымдастырушыларға зор алғыстарын білдірді.

А. Сергазин.



Мемлекет басшысының үш облысты құру туралы Жарлығы күшіне енді

Мемлекет басшысының Абай, Жетісу мен Ұлытау облысын құру туралы Жарлығы күшіне енді. Осылайша еліміздегі облыстар саны 17-ге жетті.

Президент Қасым-Жомарт Тоқаевтың наурыз ортасындағы халыққа Жолдауынан кейін Қазақстанда тағы үш облыс пайда болатыны белгілі болған: Шығыс Қазақстан облысының Семей аймағында – Абай облысы, Қарағанды облысының Жезқазған өңірінде – Ұлытау, Алматы облысы аумағында Жетісу облысы құрылады.

Ұлытау облысына Жезқазған, Қаражал, Сәтбаев қалалары, Жаңаарқа мен Ұлытау аудандары кіреді. Облыс орталығы Жезқазған қаласы болады.

Жетісу облысына Ақсу, Алакөл, Ескелді, Қаратал, Кербұлақ, Көксу, Панфилов, Сарқан аудандары және Талдықорған мен Текелі қалалары кіреді. Облыс орталығы – Талдықорған қаласы болмақ.

Абай облысына Абай, Аягөз, Ақсуат, Бесқарағай, Бородулиха, Жарма, Көкпекті, Үржар аудандары және Семей, Курчатова қалалары енеді. Облыс орталығы – Семей болады.

4 мамырда Президент Қасым-Жомарт Тоқаев Қазақстан Республикасының әкімшілік-аумақтық құрылысы туралы жарлыққа қол қойды.

Жарлықта Алматы облысының орталығын Талдықорғаннан Қонаев қаласына (Қапшағай) көшіру, Абай, Ұлытау және Жетісу облыстарын құру және бір ай ішінде ұйымдастырылатын іс-шаралар жоспарын бекіту қажеттігі жазылған. Жарлық 8 маусымнан бастап күшіне енді.

ЖАҢА МЕДИЦИНАЛЫҚ ҚҰРЫЛҒЫ АЛЫНДЫ

Баланың дүниеге келуі – әйел өміріндегі ең маңызды оқиға. Алайда, сәби мерзімінен бұрын туылуы немесе шұғыл құзыретті көмекті талап ететін проблемамен туылуы мүмкін.

Енді Железин аудандық ауруханасының перзентханасы қызметкерлерінің арсеналында кішкентай пациенттің жағдайы мен дамуына сапалы және жоғары технологиялық бақылауды уақтылы жүзеге асыруға мүмкіндік беретін қарқынды терапия блогы бар.

– Ауруханамызға 7 маусым күні неонаталды үстел әкелінді. Ол республикалық бюджет қаражатынан сатып алынды. Ол қарқынды терапияға мұқтаж балаларға және мерзімінен бұрын дүниеге келген балаларға шұғыл көмек көрсетуге арналған, – дейді аудандық аурухананың акушер-гинеколог дәрігері Ө.Абдрахманова.

Сондай-ақ, мамандардың сөзінше, бұл аппарат өкпені жасанды желдетуді, инфузиялық терапияны, сондай-ақ парентеральді тамақтануды, ағзаның өмірлік маңызды функцияларын қалпына келтіруді және түзетуді талап ететін ертірлі перинаталдық патологиясы бар жаңа туған балаларды бақылауға мүмкіндік береді.



МЕМЛЕКЕТТІК РӘМІЗДЕР КҮНІНЕ ОРАЙ АВТОШЕРУ ӨТТІ



Еліміздің еңселі елтаңбасы, аспан түстес көк туы, айбарлы әнұраны бар. Осыдан тура 30 жыл бұрын егемендігін енді алған елдің өз рәміздері пайда болды. Бүгінде міне тәуелсіз Қазақстанның ұрпағы байрақты биік ұстап, әнұранды асқақтата шырқап айтулы мерекені атап өтуде.

Мемлекеттік рәміздер – Ту, Елтаңба және Әнұран Қазақстан Республикасының дербестігі мен тәуелсіздігін бүкіл әлемге танытушы әрі мемлекетіміздің өткені мен бүгіні және болашағы арасындағы сабақтастықтың жарқын көрінісі. Сондай-ақ рәміздер – халқымыздың мұқалмас рухын, қаармандығы мен даналығын, асқақ арман-тілегін жеткізетін құнды белгілер.

Қ.Өлсейітов атындағы аудандық Мәдениет үйінен бет алған көліктер көптің көңілін өзіне аудартады. Жүздеріне қуаныш пен мақтаныш сезімі ұялаған жерлестеріміз қолдарын былғап, темір тұлпар тізгіндеген азаматтар көліктерін дабылдатып жатты. Жалпы, бұл патриоттық шеруді ауданның ішкі саясат және тілдерді дамыту бөлімі ұйымдастырып отыр.

Аманжол Чужаев, ауданның ішкі саясат және тілдерді дамыту бөлімінің бас маманы:

– Бүгінгі іс-шараның мақсаты – жастар арасында патриоттық сезімді ояту. Жастарымызға мемлекеттік рәмізге деген құрметін көтеру. Сонымен бірге мемлекеттік рәміздеріміздің абыройын әрқашан асқақтату. Біз бұл іс-шараны жылда өткіземіз. Аудан орталығының орталық көшелерінің бәрін қамтыдық. Байрақты биікке көтерген жастар Тәуелсіздік, Әуезов, Кавитков және Өлсейітов көшелерімен жүріп өтті.

4 маусым күні – ел тарихындағы ерекше мәртебелі күн болып есептеліп келеді. Мемлекеттік рәміздер ретінде Ту мен Елтаңба – егемендік және тәуелсіздік идеяларының айнымас белгілеріне, ал, Әнұранымыз тұғыры биік мемлекетіміздің жаршысына айналды.

ЕЛТАҢБАДАҒЫ НЫШАНДАР НЕНІ БІЛДІРЕДІ?

Осыдан 30 жыл бұрын 4 маусымда еліміздің мемлекеттік рәміздері қабылданды. Олар тәуелсіз әрі дербес Қазақстанның белгісіне айналды. Мемлекеттік рәміздер – халқымыздың тарихы мен бүгінін, құндылығы мен арман–мақсатын, батырлығы мен даналығын, өзге елдермен байланыс орнату идеясын білдіретін символдар.



Демек олардың мән-мағынасына үңіліп, қастерлеу әр қазақстандыққа сіңірілуі керек қасиеттердің бірі болуы тиіс. Сондықтан осы материалда елтаңбадағы нышандар нені білдіретініне тоқталғымыз келеді.

Жалпы таңба ұғымы Ұлы даланы мекендеген ата-бабамыз үшін қастерлі ұғым болған. Оған Таңбалы тастан табылған әртүрлі таңбалар жиынтығы мысал бола алады. Тарихтан қазақтың әрбір руының да өз болмысына тән таңбасы болғаны, таңба сөзі термин ретінде Түрік қағанаты кезінен қолданыла бастағаны белгілі. Ал қазіргі, тәуелсіз Қазақстанның таңбасы болған елтаңбада бейнеленген дүниелер нені білдіреді?

Шаңырақ пен уық. Шаңырақтың елтаңбаның ортасында бейнеленгені бекер емес. Өйткені ол елтаңбаның жүрегі саналады. Сонымен қатар қазақта шаңырақ сөзі отбасы ұғымымен байланысты болғандықтан, мемлекеттің басты құндылығының да отбасы институты екенін білдіріп тұр.

Күн шаңырақ болса, одан төгіліп тұрған сәулелерге ұқсайтын уықтар көшпелі түріктер үшін ортақ киіз үй күмбезін құрап тұр. Яғни түбіміз түркі екенін сипаттайды. Сондай-ақ Қазақстанда тұратын жүзден аса ұлттың бір шаңырақ астында тату-тәтті өмір сүруінің

белгісі.

Қанатты тұлпар. Бұл – уақыт пен кеңістікті байланыстыратын бейне. Жылдамдықтың, батылдықтың, жеңіске, еркіндікке деген ұмтылыстың символы. Қанатты тұлпарға қатысты аңыздар бар да бар әрі қанатты тұлпар бейнесі қазақ поэзиясында жиі ұшырасады. арғымақтың алтын қанаттары алтын масақты еске салады, қазақстандықтардың еңбексүйгіштігін және еліміздің материалдық игілігін танытады. Оған қоса арғымақтың қанаттары масақты еске түсіреді. Бұл еліміздің материалдық игілігімен қатар еңбексүйгіштігін білдіреді.

Өткен ғасырларда мүйіз көшпенділердің табынушылық ғұрыптарында, сонымен қатар, жауынгерлік тудың ұшына орнату үшін белсенді пайдаланылған. Көктің сыйын, жердің игілігін, жорықтың жеңісін әртүрлі жануарлардың мүйізі арқылы бейнелеу көптеген халықтардың символдық композицияларында елеулі орын алды. Сондықтан молшылық әкелетін мүйізі бар қанатты тұлпар семантикалық және тарихи түп-тамыры терең маңызды типологиялық образ болып саналады.

Жұлдыз. Елтаңбаның жоғарғы бөлігінде тәж секілді бес бұрышты жұлдыз орналасқан. Бұл ежелден пайдаланылатын мәңгілік құндылықтарға ұмтылысты білдіретін символ. Оның елтаңбада қолданылуы ел тұрғындарының бес құрлықтың өкілдеріне құшағы ашық екенін және әлем халықтарымен серіктестікке ниетті екенін білдіреді.

Елтаңбада қолданылған алтын мен көгілдір аспан түсінің де өзіндік мәні бар. Алтын түсі байлық, әділдік, кеңпейілділікті білдірсе, ашық аспан түсі тыныштық пен бейбітшіліктің көрінісі.

Еске сала кетейік, егеменді еліміздің елтаңбасының авторлары – белгілі сәулетшілер Жандарбек Мәлібеков пен Шот-Аман Уәлиханов.

КӨК БАЙРАҚ ТУРАЛЫ ҚЫЗЫҚТЫ ДЕРЕКТЕР

Бүгін егемендігіміз бен елдігіміздің нышаны – мемлекеттік рәміздеріміздің қабылданғанына 30 жыл толды. Содан бері жығылмай келе жатқан қасиетті көк байрағымыз туралы қызықты мәліметтерді назарларыңызға ұсынамыз.



- Көк түс – күллі түркі әлемі үшін киелі ұғым. Демек, аспан түстес байрағымыз шексіздіктің, игілік пен тыныштықтың, бейбітшіліктің символы ретінде таңдалған.
- Әуел баста туымыздың ою-өрнектері қызыл түске боялғанымен, көп ұзамай алтын түске ауыстырылған.
- Тудың авторы – суретші Шәкен Ниязбеков.
- Мемлекеттік туды таңдау үшін байқауға 1200 шығармашылық өкілі қатысты. 700-ге жуық адам пікір білдіріп, 245 сурет жобасы ұсынылды.

• Көк байрақта бейнеленген қыран бүркіт бейнесі жас егемен Қазақстанның әлемдік өркениетке ұмтылуын білдіреді. Бүркіт – биіктіктің, қырағылықтың, алғырлықтың символы.

• Республикамыздағы ең үлкен тудың ені – 15, ұзындығы – 30 метрді құрайды. Ол елордадағы «Атамекен» этно-мемориалды кешенінің аумағында тұр.

• 1995 жылы ұлы Абайдың дүниеге келгеніне 150 жыл толуына орай көк байрақты Президент Нұрсұлтан Назарбаев Іле Алатауы жотасының «Абай» шыңына орнатқан.

• 2011 жылы 14 желтоқсанда Оңтүстік полюсті бағындырудың 100 жылдығында еліміздің туы Антарктидада орнатылды.

• 2011 жылы Мақсұт Жұмаев пен Василий Пивцов көк байрағымызды Азияның ең күрделі тауы – Қарақорым Чогори шыңына 8611 м биіктікке орнатты.

• 2012 жылы 23 ақпан күні отандасымыз Андрей Гундарев Оңтүстік Америкадағы ең биік шың – Охос-дель-Саладоға шығып, Қазақстанның туын дүние жүзіндегі ең биік жанартауға тікті.

• 2014 жылы қазақстандық альпинист Мақсұт Жұмаев Солтүстік Американың ең биік тауын бағындыру кезінде Мак-Кинли шыңында туымызды орнатты.

• Қазақстанның туы Батыс Еуропаның ең жоғарғы «Монблан» биігінде тұр. Сондай-ақ бүкіл әлемнің ең биік Эверест шыңында, яғни 8 800 м биіктікте Мемлекеттік туымыз желбіреді.

• 2015 жылы ғарышкер Айдын Айымбетов ғарышқа сапары кезінде Мемлекеттік туымызды асқақтатып, Жер шарын 150-ден астам рет айналып ұшты.

• 2015 жылдың 14 сәуірінде қазақстандық шаңғы экспедициясы туды Солтүстік полюс – Арктикада тікті.

baq.kz

ӘНҰРАН ТАРИХЫ

Рәміз – бұл мемлекеттің төлқұжаты. Мемлекеттің басты рәміздерінің бірі – гимн.

Гректің «gimneo» сөзінен шыққан «гимн» термині «салтанатты ән» деген мағынаны білдіреді. Тарихты ақтарсақ, байырғы қазақ елінің де әрбір ру-тайпасының өзіне тән таңба белгілері, жалауымен қатар, Әнұраны да болған. Елді жау шапқанда сарбаздарға хабар беріп, ұран салады. Кезінде сарбаздарға рух берген, жауға қарсы ерлікпен күресе білуге жұмылдырған.

Әнұранында жазылған өлең шумақтары – адамға зор рухани әсер беретін күштің, халықтың, ұлттың, мемлекеттің, елдің бірлігінің нышаны сипатталады. Тәуелсіз Қазақстанның тарихында еліміздің мемлекеттік гимні екі рет – 1992 және 2006 жылдары бекітілді.

Республика мемлекеттік егемендігін иеленгеннен кейін, 1992 жылы Қазақстан әнұранының музыкасы мен мәтініне байқау жарияланды. Байқау қорытындысы бойынша Қазақ КСР гимнінің музыкалық редакциясын сақтау туралы шешім қабылданды. Осылайша тәуелсіз Қазақстанның алғашқы гимнінің музыкасының авторлары Мұқан Төлебаев, Евгений Брусилловский және Латиф Хамиди болды. Сонымен қатар, үздік мәтінге жарияланған байқауда авторлар ұжымы, белгілі ақындар Мұзафар Әлімбаев, Қадыр Мырзалыев, Тұманбай Молдағалиев және Жадыра Дәрібаева жеңіп шықты.

Елдің дыбыстық рәмізінің танымалдығын арттыру мақсатында 2006 жылы жаңа мемлекеттік гимн қабылданды. Оның негізі ретінде халықтың арасында кеңінен танымал «Менің Қазақстаным» патриоттық әні таңдап алынды. Ол әнді Шәмші Қалдаяқов 1956 жылы Жүмекен Нәжімеденовтің сөзіне жазған болатын.

«Менің Қазақстаным» әнінің де өз алдына тарихы бар. Қазіргі Нұр-сұлтан қаласы Ақмола аталып, оған қарасты 5 облысты бір өлке етіп Ресейге бермекші деген сыбысты естігенде Ш.Қалдаяқов қазақ жерінің көл-көсір, дән алып шалқып жатқан егіні мен бөлшектенгені жатқанына қатты толқиды. Ақын Жүмекен Нәжімеденов сөзін жазып, әнін Шәмші Қалдаяқов, ал әннің өзін әнші Жамал Омарова орындайды.



Әнді Жамал Омарова радиоға жаздырып, композитордың өтініші бойынша еліміздің байлығын пай етіп күніне бірнеше рет радиодан орындалып тұрады. «Бұл менің қазақ жерім, киелі, қасиетті мекенімізді бөлшектеуге білдірген қарсылығым еді» - дейді Ш.Қалдаяқов. Әнді қазіргі «Парасат» журналында жарияламақ болып, мәтінді ала барғанда бір декей:

- Партия туралы бір ауыз сөз жоқ. Біз алдымен соны жырлауымыз керек – дейді. - Жоқ, мен әнімді қайран елім – Қазақстаныма арнап отырмын, өз елімді, өз жерімді ешбір саясатсыз, адал көңіліммен жырлағым келеді – дейді композитор Шәмші Қалдаяқов.

Осылайша пәк көңілден туған ән мемлекеттік рәміздерінің бірі болады. Қазақстанның Тұңғыш Президенті Нұрсұлтан Назарбаев өңге мемлекеттік гимн жоғары мәртебесін беру және анағұрлым салтанатты шырқауы үшін музыкалық туындының бастапқы мәтінін өңдеді. Қазақстан Парламенті 2006 жылы 6 қаңтарда палаталардың бірлескен отырысында «Мемлекеттік рәміздер туралы» Жарлыққа тиісті түзету енгізіп, еліміздің жаңа мемлекеттік гимнін бекітті.

6

10 MAÝSYM
2022 JYL

РЕСМИ БӨЛІМ

№ 23 (569)
Túǵan ólke

ЖЕЛЕЗИН АУДАНЫНЫҢ 2022-2024 ЖЫЛДАРҒА
АРНАЛҒАН АЗАМАТТЫҚ БЮДЖЕТІ

1. Железин ауданын дамытудың 2021-2023 жылдарға арналған кешенді жоспары

Железин ауданын дамытудың 2021-2023 жылдарға арналған кешенді жоспарын Железин ауданының әкімі бекітті.

Ауданның 2021-2023 жылдарға арналған әлеуметтік-экономикалық дамуының негізгі көрсеткіштері					
№ р/с	Көрсеткіштің атауы	2021 жыл	2022 жыл	2023 жыл (болжам)	2024 жыл (болжам)
1	2	3	4	5	6
1	Халық саны, мың адам	14,8	14,7	14,7	14,7
2	Жұмыссыздық деңгейі, %	4,1	4,1	4,1	4,1
3	Айлық есептік көрсеткіш (АЕК), теңге	2 917	3 063	3 063	3 063
4	Күнкөріс деңгейі, теңге	34 302	39 060	39 060	39 060
5	Ең төмен жалақы, теңге	42 500	60 000	60 000	60 000
6	Орташа айлық атаулы жалақы, теңге	160 794	189 582	189 582	189 582
7	Зейнетақының ең төмен мөлшері, теңге	43 272	48 032	48 032	48 032

II. Аудандық бюджеттің кірістері мен шығыстары

1. 2022-2024 жылдарға арналған аудандық бюджет кірісінің құрылымы

2022-2024 жылдарға арналған аудан бюджеті Железин аудандық мәслихатының 2021 жылғы 24 желтоқсандағы «Железин ауданының 2022-2024 жылдарға арналған бюджеті туралы» № 95/7 шешімімен бекітілді (өзгерістер 2022 жылғы 19 мамырдағы № 156/7).

мың. теңге					
Атауы					
Түсім - барлығы					
Жергілікті бюджеттің кірістері					
1	Салықтық түсімдер	968 296	1 091 744	1 115 416	1 171 188
2	Салықтық емес түсімдер	85 625	20 086	21 092	22 141
3	Негізгі капиталды сатудан түсімдер	8 787	26 633	7 677	8 060
Жоғарғы бюджеттерден трансферттердің түсімі		5 016 013	4 714 473	545 644	515 826

2. Аудандық бюджет шығындарының құрылымы					
мың. теңге					
Атауы					
1					
Шығыстар- барлығы		6 372 358	6 111 452	1 718 764	1 746 150
соның ішінде:					
Шығыстар:		6 271 194	5 999 816	1 689 829	1 717 215
Жалпы сипаттағы мемлекеттік қызметтер		915 946	694 592	415 276	419 628
Қорғаныс		33 611	34 603	32 365	33 059
Әлеуметтік көмек және әлеуметтік қамсыздандыру		463 008	512 901	237 993	245 504
Тұрғын үй-коммуналдық шаруашылығы		291 772	9 850	-	-
Мәдениет, спорт, туризм және ақпараттық кеңістік		453 778	581 893	398 028	403 401
Отын-энергетика кешені және жер қойнауын пайдалану		-	200	-	-
Ауыл, су, орман, балық шаруашылығы, аса қорғалатын табиғи аумақтар, қоршаған орта мен жануарлар әлемін қорғау, жер қатынастары		53 322	56 133	47 434	48 578
Транспорт және коммуникация		360 156	348 933	50 583	53 113
Басқалар		72 798	92 426	20 344	21 362
Борышты өтеуге қызмет көрсету		67 419	67 420	67 422	67 419
Трансферттер		3 559 384	3 570 284	420 384	425 151
Бюджеттік кредиттер		77 188	82 701	-	-
Бюджеттік кредиттерді өтеу		23 976	28 935	28 935	28 935

Аудандық бюджет шығысының 18,3% мәдениет және әлеуметтік қамсыздандыруға жұмсалатын шығыстар құрайды.

Әлеуметтік көмек пен әлеуметтік қамсыздандыруға арналған шығыстар					
мың. теңге					
Атауы					
1					
Әлеуметтік көмек пен әлеуметтік қамсыздандыруға арналған шығыстар, барлығы		463 008	512 901	237 993	245 504
Әлеуметтік қамсыздандыру		24 913	39 855	9 545	10 023
Әлеуметтік көмек		350 517	383 358	167 820	173 951
Әлеуметтік көмек пен әлеуметтік қамсыздандыру саласында өзге де қызметтер		87 578	89 688	60 628	61 530

Осыдан бұрын қабылданған әлеуметтік міндеттер азаматтардың әл-ауқатын көтеруге бағытталған әлеуметтік саланың басымдығы болып табылады.

2022 жылы әлеуметтік қамсыздандыру мен әлеуметтік көмекке аудан бюджетінде 498 146 мың теңге қарастырылды, соның ішінде:

- мемлекеттік атаулы әлеуметтік көмек – 39 855 мың теңге;
- жұмыспен қамту бағдарламасы аясында еңбек нарығында жағдайды жақсарту, халықты жұмыспен қамту деңгейін өсіру және жұмыссыздықты төмендету (қоғамдық жұмыстар, жұмыссыздарды кәсіби даярлау және қайта даярлау, жастар тәжірибесі, әлеуметтік жұмыс орындары) мақсатында Жұмыспен қамту бағдарламасы шеңберінде шаралар кешенін орындауға – 168 459 мың теңге;
- Қазақстан Республикасының заңнамасына сәйкес ауылдық жерлердегі денсаулық сақтау, білім беру, әлеуметтік қамсыздандыру, мәдениет, спорт және ветеринария мамандарына отын сатып алу үшін әлеуметтік көмек көрсету – 9 189 теңге;
- жергілікті өкілетті органдардың шешімі бойынша мұқтаж азаматтардың жекелеген санаттарына әлеуметтік көмек 54 950 мың теңге;
- үйде тәрбиеленетін және оқытылатын мүгедек балаларды материалдық қамсыздандыру 588 мың теңге;
- мұқтаж азаматтарға үйде әлеуметтік көмек көрсету – 76 988 мың теңге;
- оңалтудың жеке бағдарламасына сәйкес мүгедекті жеке көмекшімен, міндетті гигиеналық заттармен қамтамасыз етуге және ым тілі мамандарының қызметін ұсынуға – 18 210 мың теңге;
- жұмыспен қамту орталығын қамтамасыз ету – 54 717 мың теңге;
- Арнаулы әлеуметтік тапсырыс шеңберінде үйде, жартылай стационарда арнаулы әлеуметтік қызметтер көрсету – 19 346 мың теңге.

Мәдениет, спорт, туризм және ақпараттық кеңістік саласында іс-шараларды жүзеге асыруға бағытталған шығыстар					
мың. теңге					
Атауы					
1					
Мәдениет, спорт, және ақпараттық кеңістік саласында іс-шараларды жүзеге асыруға бағытталған шығыстар, барлығы		453 778	581 893	398 028	403 401
соның ішіндех:					
Мәдениет саласында қызмет		213 287	261 950	206 360	208 957
Спорт		39 448	74 803	3 116	3 271
Ақпараттық кеңістік		117 622	134 650	106 575	108 600
Мәдениет, спорт, және ақпараттық кеңістікті ұйымдастыру бойынша өзге қызметтер		83 421	110 490	81 977	82 573

Мәдениет саласында мемлекеттік желісінде 34 мекеме жұмыс істейді, соның ішінде 1 тарихи-өлкетану мұражайы, 17 клубтық мекеме, 16 кітапхана, сондай-ақ көшпелі мәдени-сауық кешені.

Ауданның спорт объектілері мен ғимараттары жүйесіне дене шынықтыру-сауықтыру кешені (ДСК), «Арман» спорт кешені 1 стадион, 30 спорт залы, пластик жақтаулары бар 3 хоккей корты, Алакөл, Прииртышск, Жаңа жұлдыз, Уәлихан, Михайловка, Железинка, Церковное, Веселая роща, Башмачное ауылдарында жасанды жабыны бар 9 шағын футбол алаңы кіреді.

Тұрғын үй-коммуналдық шаруашылығы саласындағы іс-шараларды жүзеге асыруға арналған шығыстар					
мың. теңге					
Атауы					
1					
Тұрғын үй шаруашылығы		109 515	-	-	-
Коммуналдық шаруашылық		182 257	-	-	-
Елді мекендерді абаттандыру		-	9 850	-	-
БАРЛЫҒЫ		291 772	9 850	-	-

Аудандық транспорттық инфрақұрылыммен қамтамасыз етуге арналған бюджет шығыстар және басқалары

Аудандық маңызы бар автомобиль жолдарының ұзындығы 298 шқ.

2022 жылға арналған транспорттық инфрақұрылыммен саласындағы іс-шараларды жүзеге асыруға арналған шығыстар қарастырылды:

- Железинка-Веселая роща-Мыңкөл аудан маңыздағы автомобиль жолының орташа жөндеуі 293 442 мың теңге;
- автомобиль жоларының қызмет етуіне 53 307 мың теңге;
- әлеуметтік маңызды селолық хабарламалар бойынша жолаушылар тасымалын субсидиялауына 2 184 мың теңге бөлінді;
- «Ауыл – ел бесігі» бағдарламасы бойынша нысаналы трансферті қаражаты есебінен Қазақстан Республикасының Ұлттық қорынан, облыстық және жергілікті бюджеттерден Алаколь ауылындағы 5 көшелерінде – 92 569 мың теңге;
- аудан бюджетінен селолық округ бюджеттеріне тапсырылатын субвенциялар қарастырылды - 447 273 мың теңге;
- мамандарға әлеуметтік қолдау шараларын іске асыру үшін бюджеттік кредиттер – 82 701 мың теңге.

2022 жылы бюджет қаражаты есебінен іске асырылатын инвестициялық жобалар

- Павлодар облысы Железин ауданы Ақтау ауылында шағын футбол алаңын құру – 13 418 мың теңге;
- Павлодар облысы Железин ауданы Еңбекші ауылында шағын футбол алаңын құру – 13 426 мың теңге;
- Павлодар облысы Железин ауданы Железинка ауылында шағын футбол алаңын құру – 13 418 мың теңге;
- Павлодар облысы Железин ауданы Лесное ауылында шағын футбол алаңын құру – 13 426 мың теңге;
- Павлодар облысы Железин ауданы Мынкуль ауылында шағын футбол алаңын құру – 13 419 мың теңге;
- Павлодар облысы Железин ауданы Железинка ауылында жылу желісі мен құрылыстарды қайта жаңарту (басы) – 200 мың теңге.

2022 жылдың 12 мамырында қабылданған «2022-2024 жылдарға арналған республикалық бюджет туралы» Қазақстан Республикасының Заңына өзгерістер мен толықтырулар енгізу туралы» заңы шеңберінде 2022 жылдың 1 сәуірінен бастап инфляцияның 2022 жылға арналған дәлізін қайта қарауды ескере отырып, мемлекеттік әлеуметтік сақтандыру қорынан (МӘСҚ) төленетін ынтымақты зейнетақы мен әлеуметтік төлемдердің мөлшері қосымша 4%-ға индекстелді, ал ең төменгі күнкөріс деңгейі (ЕТКД) мен айлық есептік көрсеткіш (АЕК) көлемінің өзгеруіне байланысты базалық зейнетақы мен жәрдемақы мөлшері 4%-ға артты, - деді «Азаматтарға арналған үкімет» өкілі.

Заңға сәйкес 1 сәуірден бастап: Айлық есептік көрсеткіш (АЕК) - 3 180 теңге мөлшерінде; Ең төменгі зейнетақы - 48 032 теңге; Ең төменгі күнкөріс деңгейі (ЕТКД) - 37 389 теңге; Базалық зейнетақы төлемінің ең төменгі мөлшері - 20 191 теңге. Маусым айынан бастап

Зейнетақы мен жәрдемақы көбейеді

Зейнетақы мен жәрдемақылар Мемлекет басшысы Қасым-Жомарт Тоқаевтың тапсырмасын орындау аясында индекстелді.



зейнетақы мен жәрдемақы алушылар ағымдағы жылдың сәуір және мамыр айларының қосымша ақысын ескере отырып,

төлемдерді жоғары мөлшерде алатын болады. Жоғарылайтын төлемдердің жалпы сомасы 6,6 млн теңге.

8 маусымнан бастап ПТР тесті мен вакцина паспортына қойылатын талап жойылды

Қазақстан 8 маусымнан бастап ПТР тесті мен вакцина паспортына қойылатын талапты алып тастады. Бұл туралы COVID-19 таралуына жол бермеу жөніндегі ВАК хабарлады.



Премьер-Министрдің орынбасары Ералы Тоғжановтың төрағалығымен Қазақстан Республикасының аумағында коронавирус инфекциясы таралуының алдын алу жөніндегі ведомстваралық комиссияның отырысы өтті.

Комиссия жұмысына мемлекеттік органдардың, «Атамекен» ҰКП өкілдері және өңірлердің басшылары қатысты.

Елдегі және әлемдегі эпидемиологиялық жағдайдың тұрақтануын ескере отырып, Ведомстваралық комиссия келесідей шешімдер қабылдады:

- биылдың 8 маусымынан бастап ҚР азаматтары мен шетелдіктерге ҚР Мемлекеттік шекарасын кесіп өту кезінде ревакцинацияны немесе COVID-19-ға қарсы вакцинациялаудың толық курсы (COVID-19-ға қарсы вакцинациялау туралы паспортты/сертификатты/анықтаманы) құжаттық растау бойынша, ал олар болмаған кезде ПТР әдісімен COVID-19 зерттеуінің теріс нәтижесі бар анықтаманы ұсыну міндетті талабын алып тастауды.

- Республиканың 7 өңіріндегі ҚР Мемлекеттік шекарасының жекелеген учаскелерінде уақытша жабылған 12 автомобиль өткізу пункттердің жұмыс істеуге тыйым салуды алып тастау туралы шешім қабылданды.

СУДА САҚ БОЛЫҢЫЗДАР!

Аудан аумағында суға түсуге (шомылуға) рұқсат берілген арнайы жабдықталған орындар жоқ, сондықтан стихиялық шомылу әрдайым қауіп-қатер төндіреді.

Суға түсу маусымы басталысымен су айдындарында апатқа түскен адамдардың саны күрт артады. Қазіргі уақытта су айдынының түбі тым лайланған, судағы қозғалысты қатты қиындататын балдырлар мен шылаулардың үлкен қабаттары бар, суға батып кету үрейі туындайды. Ауданның су айдындарында шомылуға тыйым салынады, біз бірінші кезекте, осыған ата-аналар мен тәрбиелешілердің көңілін аударамыз.

Негізінде, судағы жазым уақиғалар балаларды қараусыз қалдыру, мас күйінде шомылу және судағы тәртіп ережелерін ескермеумен байланысты болады.

Судайындардағы төтенше жағдайлардың алдын алу мақсатында Железин ауданының ТЖ бөлімі ЖПҚ-мен бірге демалыс күндері шомылуға тыйым салынған жерлерде рейдтік іс шаралар өткізіледі. Шомылу маусымы басталысымен 27 адамды қамтитын 20 рейдтік іс-шаралар өткізілді.

Суда бөлеге түспеу үшін, судағы қарапайым ережелерді мұлткісіз орындау керек:

- Тыйым салынған жерлерде суға түспеу;
- бейтаныс жерлерде суға түспеу;
- шектегіш қалқыма белгілерден (буйлардан) ары қарай жүзбеу;
- суға көпірлерден, кеме аялдайтын орындардан, бөгеттерден (дамбалардан) секірмеу;
- суға түскен (шомылып жатқан) балаларды қараусыз қалдырмау; өтіп бара жатқан қайықтар мен кемелерге жүзіп бармау;
- алкогольдік мастық күйінде суға түспеу.
- Сондай-ақ, суға бату жағдайында алғашқы көмекті көрсете білу керек:
- зардап шеккен адамды судан шығару;
- аузын балдырлар мен шылаулардан тазарту;
- өзіңіздің тізеңізге басымен төмен қарай қаратып ішімен жатқызу және арқасынан қағып отырып, өкпелерінен суды барынша шығару;
- дем алысы мен жүрек жігерлілігі (қызметі) болмаған жағдайда, арқасына жатқызып реанимациялық іс-шараларды (қолдан дем алдыру, жүректі жанамалы уқалау) бастау;
- дөрігерді шақыру (зардап шеккен адамды емдеу орнына жеткізу).

Қауіпсіздік ережелерін сақтамау су айдындарында жазым оқиғаларға, сондай-ақ нәтижесінде өлімге ұшырауға әкеп соқтырады.

Железин ауданы ТЖБ.

ҚОҒАМДЫҚ ТЫҢДАУ

«Ертіс Ойл энд Газ» ЖШС келесі жобалар бойынша қоғамдық тыңдаулар өткізілетіні туралы хабарлайды: «Ертіс Ойл энд Газ» ЖШС-нің Ертіс маңы аумағында жобалық тереңдігі 2400 м (ү 250 м) барлау ұңғымалар құрылысының топтық техникалық жобасының» «Қоршаған ортаны қорғау» бөлімі, «Қалдықтарды басқару бағдарламасы», «Өндірістік экологиялық бақылау бағдарламасы», Қоршаған ортаны қорғау жөніндегі іс-шаралар жоспары.

Тыңдаулар 2022 жылғы 13 шілде сағат 15:00-де өтеді. Өткізу орны: Павлодар облысы, Железин ауданы, Ақтау ауылдық округі, Ақтау ауылы (Березовка) ауыл клубы. Карантиндік жағдайлар жарияланған кезде қоғамдық тыңдаулар ZOOM платформасында бейнеконференция форматында өтетін болады. Қоғамдық тыңдауға қатысу үшін сілтеме бойынша өту қажет <https://us04web.zoom.us/j/6225879592?pwd=Tu9ZOEVZWgY2UUVweE9oTERHZ3FCQT09>

Конференция идентификаторы: 622 587 9592
Кіру коды: 7WDDQTF
Белгіленіп отырған қызметтің бастамашысы: «Ертіс Ойл энд Газ» ЖШС, Нұр-Сұлтан қаласы, Есіл ауданы, Д.Қонаев к-сі, 25/1 ғимарат, тел: +77017780077, abenov_baha@mail.ru

Жобаны әзірлеуші: «Geoscience Consulting» ЖШС, Нұр-Сұлтан қаласы, Қабанбай батыр даңғылы, 19 үй, блок Б, 7 этаж, 702 кеңсе, тел: 8 778 102 59 60, geosciencesec@gmail.com

Ұсынылған жоба және қоғамдық тыңдаулар өткізу туралы қосымша ақпаратты, сондай-ақ ұсынылатын қызметке қатысты құжаттардың көшірмелерін geosciencesec@gmail.com электрондық поштасы және +7 778 102 59 60 телефоны арқылы сұратуға болады.

Құжаттама <https://ecportal.kz> порталында орналастырылған. Ескертулер мен ұсыныстар <https://ecportal.kz/> сайтында қабылданады.

МЕРЕКЕЛІК МАРАПАТ ТАБЫСТАЛДЫ

Отыз Жыл ішінде Қазақстанның Қарулы Күштері қиын да күрделі қалыптасып даму жолынан өтті. Бүгінгі күні біздің армиямыз құрлықта, әуеде және теңізде еліміздің қауіпсіздігі мен аумақтық тұтастығын сенімді қамтамасыз етуде.



Биыл Қазақстан Республикасының Қарулы Күштерінің құрылғанына 30 жыл толып отыр. Осыған орай, ауған соғысының ардагері Сұңқар Сүлейменовке генерал-лейтенант Р.Жақсылықовтан құттықтау хат келді. Железин аудандық қорғаныс істері жөніндегі бөлім бастығы Тимур Сейткулов құттықтау хатты салтанатты түрде табыстады.

Құттықтау хатта: «Сіз әскери қызметшілердің жаңа буыны үшін Отанға жанқиярлықпен қызмет етудің, әскери борышқа адалдықтың және патриотизмнің жарқын үлгісі болып табыласыз.

Сізге Қарулы Күштердің құрылуы мен қалыптасуына зор үлес қосқаныңыз, жастарға әскери-патриоттық тәрбие беруде белсенді қатысқаныңыз үшін шынайы ризашылығымды білдіремін.

Сізге зор денсаулық, қажымас қайрат, отбасы амандығын және Отанымыз – Қазақстан Республикасының игілігі жолындағы қызметте толағай табыс тілеймін!» делінген.

Сондай-ақ, Сұңқар Сүлейменов «Қарулы Күштерінің Ардагерлері» республикалық қоғамдық бірлестігі атынан «Әскери-патриоттық тәрбиеге қосқан үлесі үшін» медальмен марапатталды.

Цифрлы Қазақстан

NCA Layer 1.3 жаңартылған нұсқасы шықты



NCA Layer үшін SSL-сертификаты мерзімінің аяқталуына байланысты 01.06.2022 ж. бастап қосымшаға жаңарту жүргізілді.

Осыған байланысты ЭЦҚ пайдаланатын ақпараттық жүйелерде жұмыс істеу кезіндегі ақауларды жою үшін қосымшаны NCA Layer жаңа нұсқасына қайта орнату қажет.

Қазақстан Республикасы Ұлттық куәландырушы

орталығының (ҚР ҰКО) ЭЦҚ кілттерін пайдалана отырып, аутентификация және қол қою кезінде қателер анықталған жағдайда:

NCA Layer-ді қайта іске қосыңыз; қате қайталанған жағдайда ескі нұсқаны жойып, <https://pki.gov.kz/> ncalayer сілтемесі арқылы ҚР ҰКО сайтынан жаңа нұсқаны жүктеп алып, орнату қажет.

NCA Layer жаңартылған

нұсқасын орнатуды тексеруге болады:

- «модульдерді басқару» бөлімін ашыңыз (NCA Layer белгішесін тінтуірдің оң жақ түймесімен);
- модульді жаңарту күнін қарау, ол 01.06.2022 болуы керек;
- немесе ҚР ҰКО техникалық қолдауына 1414 нөміріне хабарласу немесе support@gos-corp.kz поштасына жазуға болады.

Сондай-ақ, тікелей сілтеме арқылы жүктей аласыз:

NCA Layer Windows 32-bit үшін
NCA Layer Windows 64-bit үшін
NCA Layer MacOSX үшін
NCA Layer Linux үшін
NCA Layer нашар көретіндер үшін (Windows 32-bit)
NCA Layer нашар көретіндер үшін (Windows 64-bit)

ҚР жеке және заңды тұлғалары үшін электрондық цифрлық қолтаңбаны алуға қатысты барлық жаңартуларды ҚР Ұлттық куәландыру орталығының сайтынан <https://pki.gov.kz/> және телеграмм арнасынан https://t.me/nca_rk оқыңыз.

Жұлдызжорамал

13.06-19.06 2022 жыл

Тоқты

Сізге адамдармен тіл табысу, сізбен келіспейтіндерге көзқарас табу мүмкіндігі пайдалы болады. Сіз бұрын татуласпаған адамдарды өз жағыңызға тарта аласыз, ал жақында қарсыластарды одақтастарға айналдыра аласыз. Алайда, шын мәнінде маңызды істерде бірнеше рет жұмыс істеген адамдарға сеніңіз. Сондықтан жетістікке жету оңайырақ болады. Апта қаржы тұрғысынан қолайлы болады. Мүмкін сәтті мәмілелер, ақшалай түсімдер.

Торпақ

Асықпауға тырысыңыз және дәйекті әрекет етіңіз. Асығыс және қызу шешім қабылдамауға тырысыңыз, бәрін тыныш ойлауға, сенетін адамдармен кеңесуге уақыт беріңіз. Қаржылық мәселелерде сақтық маңызды, күтпеген шығындар қаупі бар. Жақын адамдармен қарым-қатынас елеулі қақтығыстар болмайды және жақын арада кішігірім келіспеушіліктерді жеңуге болады.

Егіздер

Сіз көп нәрсе туралы ойлануыңыз керек. Апта кейбір күтпеген оқиғалармен, сондай-ақ жоспарларыңызға әсер ететін жаңалықтармен таң қалдырады. Сіз қалай әрекет ету керектігін бірден түсінесіз. Интуиция басқалардың қолынан келмейтін істерді жақсы жеңуге көмектеседі. Апта оқу үшін қолайлы болады. Сізге ақпаратты жинау және талдау, одан дұрыс қорытынды жасау оңай болады. Аптаның екінші жартысы шығармашылық мәселелерді шешуге жарайды: осы уақытта сізде жаңа идеялар пайда болады, жарқын идеялар пайда болады.

Шаян

Апта жарқын болады. Сіз күрделі істермен айналысуыңыз керек, жолда көп нәрсені үйренуіңіз керек, бұрын ешкім ортақ тіл таппаған адамдармен бірлескен іс-қимыл туралы келісуіңіз керек. Өз күшіңізге сеніңіз - онсыз жетістікке жету қиын болады. Аптаның бірінші жартысы қаржылық мәселелерді шешуге, мәмілелер жасауға қолайлы болады. Кейінірек ақшаны жұмсағаннан гөрі үнемдеу пайдалы болатын уақыт келеді.

Арыстан

Аптаның басталуы-жаңа одақтастарды іздеудің тамаша уақыты. Осы уақытта сіз кездестіретін көптеген адамдар сіздің идеяларыңызды бағалайды, оларды жүзеге асыруға көмектескісі келеді. Ортақ істерден ұзақ достық басталуы мүмкін және сіз оған өте қуанышты боласыз. Аптаның екінші жартысында отбасылық істерге көп уақыт бөлу керек болады. Жақын адамдардан көмек пен қолдау қажет болуы мүмкін.

Бикеш

Іскерлік қатынастар қалай дамитынына назар аударыңыз. Егер сіз дұрыс әрекет етсеңіз, осы аптада көп нәрсе жақсы жаққа өзгеруі мүмкін. Бұл әрдайым оңай болмайды, әсіресе өмірлік тәжірибесі жеткіліксіз қыздар үшін. Өзіне жету үшін табандылық, батылдық пен батылдық қажет. Қаржы тұрғысынан бұл апта сәтті болмақ. Ақша мен мүлікке қатысты барлық нәрселерде сіз түйсікке сене аласыз. Аптаның соңында барлық адамдар үшін маңызды мәселелерді тыныш талқылауға болады.

Таразы

Көптеген қызықты міндеттер пайда болады, оларды шеше отырып, сіз өте ерекше адамдармен танысасыз, бұрын бағалаған байланыстарды қалпына келтіресіз. Сіз мүлдем жаңа нәрсені ала аласыз. Басында қиындықтар болса да, сіз бастағаныңыздан бас тартқыңыз келмейді. Керісінше: туындаған барлық мәселелерді шешу үшін Сіз ынта-жігермен айналысасыз.

Бұл басқаларға ұмытылмас әсер қалдырады, көптеген адамдар сізбен жақынырақ танысқысы келеді. Аптаның соңғы күндері-сіздің мансабыңызды дамытуда маңызды рөл атқаратын шешімдер уақыты. Сізге көптен армандаған жұмысыңыз ұсынылуы мүмкін.

Сарышаян

Іскерлік және жеке қатынастарда түсінушілік маңызды. Маңызды ақпаратты, жоспарларыңыз бен идеяларыңызды бөліспес бұрын екі рет ойлануыңыз. Аптаның екінші жартысы-өте жемісті уақыт, маңызды істерге қолайлы, кейбір үлкен жобалармен жұмыс істей бастайды. Бұл уақыт келіссөздер үшін қолайлы, әсіресе алыстан келген адамдармен.

Мерген

Апта сізді қуантады. Аптаның екінші жартысы біріншіден әлдеқайда жеңіл және қолайлы болады. Бұл жұмыс үшін де, оқу үшін де жақсы, көптеген мәселелерде жетістікке жетуге мүмкіндік береді. Бірақ демалуға, жағымды қарым-қатынас жасауға, сізге қымбат адамдармен кездесуге уақыт болады. Романтикалық күндер ерекше, жарқын және есте қаларлық болады. Ұзақ уақыт есте қалатын сыйлықтар мен тосынсыйлар болуы мүмкін.

Тауешкі

Аптаның басында мүлдем жаңа нәрсені алуға мүмкіндік болады. Алғашқы жетістіктерге тез қол жеткізуге болады және олар назардан тыс қалмайды. Мүмкін жаңа қарым-қатынастың басталуы. Олар достық немесе романтикалық болуы мүмкін-мұнда бәрі сіздің қалауыңызға байланысты болады. Аптаның екінші жартысында бірден бірнеше нәрсені жасауға дайын болыңыз. Бір кездері алынған тәжірибе пайдалы болады. Аптаның соңғы күндері қаржылық мәселелерді шешуге, мәмілелер жасауға қолайлы. Күтпеген ақша түсімдері болуы мүмкін.

Суқұйғыш

Осы аптада көп нәрсе істеу керек. Жаңа міндеттер пайда болады, сізге жаңа жұмыс немесе өте ауқымды, күрделі және қызықты жобаға қатысу ұсынылуы мүмкін. Бұл кезең қазір маңызды кәсіби мақсаттарға қол жеткізуге, мансап сатысына көтерілуге және өз позицияларын нығайтуға тырысатын суқұйғыштар үшін маңызды болады. Уақытты босқа өткізбеңіз, әрекет етіңіз! Енді сіз не істей алатындығыңызды көрсете аласыз. Апта ірі сатып алу үшін қолайлы болады. Мұнда сіз шешімдерге асықпайсыз, бірнеше нұсқаны салыстырып, ең жақсысын таңдайсыз.

Балықтар

Бұл апта оңай емес.Алаңдамауға және сабырлы болуға тырысыңыз. Көптеген қиындықтарды жеңуге тура келеді. Сіз мұны жасай аласыз ба? Әрине! Бірақ күш-жігер жұмсауға тура келеді. Жоспарларды өзгерту және бұрын маңызды болып көрінген нәрсемен айналысу қажет болуы мүмкін. Осы аптада көптеген балықтар үшін имидж мен бедел мәселелері маңызды болады. Қиын болып көрінуі мүмкін әрекеттер мен мәлімдемелерден аулақ болыңыз.

М.Дулатұлы атындағы Железин орта білім беретін мектебінің ұжымы
Рахмангулова Қарлығаш Оразалықызына және Чужаева Маржан Оразалықызына әкесі

**Чужаев Оразалы
Сальжановичтің**

қайтыс болуына байланысты қайғысына ортақтасып, көңіл айтады.



СҰРАҚ - ЖАУАП

Бұл сұраққа «БЖЗК» АК Павлодар облыстық филиалы
Операциялық бөлімінің жетекшісі маманы М.Смирнова жауап берді

Мен азаматтық-құқықтық сипаттағы шарт жасадым, бірақ қазіргі уақытта бұл келісім арқылы табыс таппаймын, өз пайдама жарна аударма аламын ба?

Егер азаматтық-құқықтық сипаттағы шарт (АҚС) салық агенті болып табылмайтын жеке тұлғамен жасалған болса, онда сіз алатын табыстың 10 пайызынан кем емес, бірақ тиісті қаржы жылына арналған республикалық бюджет туралы заңда белгіленген ең төменгі жалақының 50 еселенген мөлшерінің 10 пайызынан көп емес мөлшерде (2022 жылы ЕТЖМ – 60 мың теңге) өз пайдаңызға жарна аударуға құқылысыз.

Егер азаматтық-құқықтық сипаттағы шарттар салық агентімен (ЖК, заңды тұлға, сондай-ақ, жеке тәжірибемен айналысатын тұлға) жасалса, онда төлем болмаған жағдайда ол сіздің жеке зейнетақы шотыңызға міндетті зейнетақы жарналарын аудармайды.

Қазіргі уақытта сіз табыс таппайтындықтан, өз табысыңыздың есебінен екінші деңгейдегі банктер арқылы жеке пайдаңызға ерікті зейнетақы жарналарын (ЕЗЖ) өз бетіңізше аударма аласыз. ЕЗЖ мөлшері мен төлеу кезеңділігін жеке тұлға қалауынша белгілейді.

Егер сіз жеке кәсіпкер болмасаңыз, бірыңғай жиынтық төлем (БЖТ) аясында аударымдар жасай аласыз. Қазақстан Республикасының «Салық және бюджетке төленетін басқа да міндетті төлемдер туралы» 25.12.2017 жылғы №120-VI Салық кодексінің 774-бабына сәйкес, кәсіпкерлік қызметті жеке кәсіпкер ретінде тіркеусіз жүзеге асыратын, бір мезгілде мынадай шарттарға сәйкес келетін жеке тұлғалар БЖТ төлеушілер болып танылады:

- 1) БЖТ төледі;
- 2) жалдамалы жұмыскерлердің еңбегін пайдаланбайды;
- 3) акцизделетін өнімді қоспағанда, жеке қосалқы шаруашылықтың өзі өндірген ауыл шаруашылығы өнімін салық агенттері болып табылмайтын жеке тұлғаларға ғана қызметтер көрсетеді және (немесе) салық агенттері болып табылмайтын жеке тұлғаларға ғана өткізеді. Бұл ретте БЖТ төлеушінің осы тармақшада көрсетілген қызмет түрлерін жүзеге асыру нәтижесінде алатын табысының мөлшері күнтізбелік жыл үшін республикалық бюджет туралы заңда белгіленген және тиісті қаржы жылының 1 қаңтарында қолданыста болатын айлық есептік көрсеткіштің 1175 еселенген мөлшерінен аспауы тиіс. Жеке тұлғалар БЖТ төлеу жүргізілген күннен бастап БЖТ төлеу жүргізілген айдың соңғы күніне дейін БЖТ төлеушілер деп танылады.

БЖТ төлеушінің БЖТ-ны қолма-қол ақшамен, не қолма-қол емес тәсілмен банктер және банк операцияларының жекелеген түрлерін жүзеге асыратын ұйымдар арқылы мемлекеттік корпорацияның банктік шотына аудару арқылы жалпы сомамен төленуге жатады.

БЖТ мөлшері 2022 жылы:

- Республикалық маңызы бар қалаларда, астанада және облыстық маңызы бар қалаларда 1 АЕК немесе 3 063,00 теңге;
- Басқа елді мекендерде 0,5 АЕК немесе 1 531,50 теңге.

ӨРТКЕ ӘКЕЛУІ МҮМКІН: ТЕРЕК МАМЫҒЫН ЖАҚПАҢЫЗДАР!

Жыл сайын терек мамығы ауыр өрттің туындауына себеп болады. Құрылыстар, қоймалар, автокөлік тұрақтары жанында, тұрғын үй ауласында, орманды талды аумақтарда терек мамығы жиналып, жаңа жауған қардай көз тартатындығы белгілі.

Жерде жатқан терек мамығына ерекше назармен жасөспірім балалар қызығушылықпен қарайды. Бірақ терек мамығының зеңбірек күккірт секілді жыпылықтай жануы кімді де болмасын қызықтыратындығы анық.

Көп жағдайда мамықтың жоғары жылдамдықпен күйіп, барлық бағытта жанады деп күдіктенбейді. Жыл сайын әлеуметтік желілердегі ойын-сауық пен бейне үшін осы «жазғы қарды» өртейтіндер көптеп кездесуде.

Алайда, мұндай көңілді ойындардың арты ауыр зардаптарға әкелетіндігін ескермейді.

Терек мамығын жағуға байланысты жазатайым оқиғаларды болдырмау және алдын алу үшін Алакөл ауданы төтенше жағдайлар бөлімінің қызметкерлері бірқатар ережелерді еске салады.

- терек мамығын тұтатпауға және жасөспірімдер мен балалардың оны тұтатумен байланысты кез келген ойындарының жолын кесуге;
- балалардың тентектігі салдарынан өрттің туындау қаупін болдырмау үшін балалармен әңгіме жүргізу;
- темекі шегу кезінде темекі тұқылын сөндіру, қауіпсіз болуы үшін арнайы қоқыс жәшігіне тастау;
- аумақтарды, жолдарды және мамық жиналатын басқа да орындарды күнделікті жинауды, тазалауды, суаруды жүзеге



асыру;

– мамықтың көп жиналуы маңында ашық от көздерін пайдаланбауға.

Естеріңізде болсын!

Терек мамығы өртке аса қауіпті, оның тұрғын үй аумағында, құрғақ шөптің үстінде, жиектерде, автокөлік тұрақтарында, ескі құрылыстар мен гараждар арасында жиналуы өте қауіпті. Бірнеше секунд ішінде жалын тұрғын үйлерге, аулалық құрылыстарға, адамдар отырған автомобильдерге таралуы мүмкін. Өрт болған жағдайда «101» немесе «112» нөмірлеріне қоңырау шалыңыз. Дер кезінде қауіпсіздік ережесін сақтап, мұқият болыңыздар, терек ұлпасынан болған өрт өте қиын. Сіздің неміқұрайды әрекетіңіз алапат өртке әкелуі мүмкін екендігін естен шығармаңыз.

Железин ауданының ТЖБ.

E-mail: tugan_olke@mail.ru

Редакцияның

мекенжайы:

Железинка ауылы,

Әуезов көшесі, 10,

Тел/факс: 2-18-58

Газет Қазақстан Республикасының

Ақпарат және Коммуникациялар

министрлігінде тіркеліп,

18.07.2019 жылы қайта тіркеу

туралы №17792-Г куәлігі берілген.

Директор м.а.: А.А. Ханенко.

Редактор: А.К. Сергазин.

Газет аптасына

1 рет шығарылады

Газет редакцияда теріліп, беттелді.

Павлодар қаласы, Астана көшесі,

143-үйдегі «Дом печати» ЖШС

баспаханасында басылды.

Тел.: 8 (718-2) 61-80-26.

Таралымы

440 дана

Тапсырыс

№ 903

Túǵan ólke

Меншік иесі: «Железин ауданының ақпараттық орталығы» ЖШС